

В заключении книги подчеркивается, что все достижения армянского народа, как и всех народов Советского Союза, на пути построения коммунистического общества вытекают из самой сути советской социалистической системы.

Касаясь недостатков рецензируемой книги, отметим, что было бы желательно, чтобы автор более подробно и обстоятельно осветил деятельность профсоюзных и комсомольских организаций Армении в деле осуществления поставленных партией задач. В работе имеются повторения. Так, например, тезис о том, что основной задачей перлой послевоенной пятилетки являлось прежде всего восстановление экономики Армении, а затем ее дальнейшее развитие, повторяется несколько раз (стр. 6, 41 и др.). По нашему мнению, неверно излагать развитие народного хозяйства в плановых наметках, в то время как результаты намеченных планом задач стали действительностью. Этот недостаток присущ многим главам. Имеются в книге и статистические погрешности.

В целом же монография С. В. Хармандаряна, посвященная героическому труду армянского народа в годы четвертой пятилетки, является интересным и нужным исследованием.

В. А. ДАРЬЯН

ՍՈՎԵՏՍՈՒԿԱՆ ՀԱՅՍՏԱՆԻ ՖԻՆԱՆՍՆԵՐԸ

Անցած բառատուն տարիների ընթացքում Սովետական Հայաստանը դարձել է բարձր զարգացած սոցիալիստական ուսպորիկա՝ Ռեսպուբլիկայի տնտեսության և կուլտուրայի զարգացման գործում մեծ դեր են խաղացել սովետական ֆինանսները, որոնց նվիրված է պրոֆ. Ղ. Լ. Շաբարյանի գրախոսվող աշխատությունը:

Աշխատության մեջ հեղինակը հարուստ թվական տվյալներով ցույց է տալիս Սովետական Հայաստանի ֆինանսների զարգացումը ըստ ժողովրդական տնտեսության առանձին էտապների. կոմունիստական պարտիայի տնտեսական քաղաքականության լույսի տակ: Աշխատությունը ընդարկում է սովետական ֆինանսական սիստեմի բոլոր օղակները, որոնք ընթերցողին հնարավորություն է տալիս լրիվ և բազմակողմանի պատկերացում կազմելու ուսումնասիրվող հարցերի մասին:

Սովետական ֆինանսական սիստեմում կենտրոնական տեղ է գրավում պետական բյուջեն, և հեղինակը մանրամասն վերլուծության է ենթարկում ռեսպուբլիկայի պետական բյուջեի եկամուտները և ծախսերը: Վերլուծությունից երևում է, որ պետական բյուջեի միջոցները ամբողջովին օգտագործվում են ժողովրդական տնտեսության զարգացման և աշխատավորների պահանջարկների բավարարման համար: Տարիների ընթացքում պետական բյուջեի եկամուտների մեջ առում է սոցիալիստական ձեռնարկությունների վճարումների տեսակարար կշիռը և իջնում բնակչության վճարումների տեսակարար կշիռը: Երկրի տնտեսական կյանքում տեղի ունեցած փոփոխությունների հետ միասին դա հիմք է ծառայում բնակչությանից դանձվող հարկերի վերացման համար: «Այդ պայմաններում, — մատնանշեց ընկեր Ն. Ս. Խրուշչովը ՍՄԿՊ XXI համագումարում, — բնակչությունից դանձվող հարկերի գոյությունը անհրաժեշտությունից չի բխում՝ ոչ դրանց զասակարգային նշանակության տեսակետից, ինչպես դա տեղի ուներ անցյալում կապիտալիստական տարրերի եկամուտները սահմանափակելու իմաստով, ոչ էլ ՍՍՌՄ պետական բյուջեի եկամուտները ապահովելու տեսակետից: Այս ամենը մեզ հնարավորություն է բնձնում մոտակա տարիներս հրաժարվել բնակչությունից հարկերի դանձելուց»¹: ՍՍՌՄ Գերագույն Սովետի հինգերորդ սեսիան որոշում ընդունեց բանվորներից և ծառայողներից դանձվող հարկերի վերացման մասին:

Սովետական բյուջեի եկամտային բազայի զարգացման համար կարևոր նշանակություն ունեցավ 1930 թ. հարկային ռեֆորմը, որի ընթացքում հանդես եկավ շրջանառության հարկը՝ Հե-

* Ղ. Լ. Շաբարյան, ֆինանսներ և սոցիալիստական շինարարությունը ՀՍՍՌ-ում 40 տարում: Պետհամալսարանի հրատարակչություն, 1960:

¹ Ն. Ս. Խրուշչով, ՍՍՌՄ ժողովրդական տնտեսության զարգացման 1959—1965 թվականների կոնտրոլ թվերի մասին, էջ 60:

դինակը մանրամասնորեն պարզաբանում է հարկային ունեցողի անհրաժեշտությունը և այն պայմանները, որոնք հնարավորություն տվեցին իրականացնել այդ ունեցողի, որն ունեցավ կարևոր ժողովրդատնտեսական նշանակություն: Աշխատության 29-րդ էջում նշվում է, որ նախապատերազմյան 13 տարիների ընթացքում շրջանառության հարկի մուտքերը կազմել են 166,3 միլիոն ռուբլի: Այդ նշանակում է, որ պրոֆ. Ղ. Շաքարյանը շրջանառության հարկի գումարի մեջ է մտցրել նաև մինչև հարկային ունեցողի գործող անուղղակի հարկերից ստացված եկամուտները: Հարցին այդպես մոտենալու դեպքում կամա թե ակամա ստացվում է այնպես, որ իրր թի շրջանառության հարկը իր մեջ ընդգրկում է անուղղակի հարկի տարրեր, որը ճիշտ չէ: Շրջանառության հարկը ամբողջությամբ վերցրած հանդիսանում է ժողովրդական տնտեսության մեջ ստեղծված հավելյալ արդյունքի մի մասը և ոչ մի ընդհանուր բան չունի անուղղակի հարկերի հետ:

Աշխատության մեջ շատ տվյալներ են բերված շրջանառության հարկի դինամիկայի և նրա տեսակարար կշռի մասին պետական բյուջեի եկամուտներում: Հիմնավորված ձևով վերլուծության են ենթարկվում դրանց փոփոխությունները պայմանավորող գործոնները: Սակայն այդ գործոնները ընդգրկված են ոչ լրիվ չափով: Հայտնի է, որ շրջանառության հարկը կազմում է արդյունաբերական և պարենային ապրանքների գների մի մասը: Մյուս հավասար պայմաններում որքան ցածր է ձևափոխության մեծածախ գինը և բարձր մանրածախ գինը, այնքան մեծ է շրջանառության հարկի դրույքը և ընդհանրապես: Այդ պատճառով շրջանառության հարկի մուտքերը պայմանավորված են ոչ միայն թուղարկվող և իրացվող ապրանքների ծավալով, այլ նաև շրջանառության հարկի դրույքների մեծությամբ, 1947—1954 թթ. կատարվեց ժողովրդական սպառման առարկաների գների յոթ խոշոր իջեցում: Այդ իրականացվեց ոչ միայն արտագրանքի ինքնարժեքի իջեցման հաշվին, այլ նաև շրջանառության հարկի հաշվին, որը անխուսափելիորեն հանգեցրեց շրջանառության հարկի մուտքերի կրճատման: Բավական է ասել, որ 1953 թ. մանրածախ գների իջեցման հետևանքով ՍՍՍՄ պետական բյուջեն կորցրեց 4,6 միլիարդ ռուբլու շրջանառության հարկ: Չնայած դրան, հեղինակը աշխատության 49-րդ էջում խոսելով ժողովրդական սպառման առարկաների մանրածախ գների իջեցման մասին, հետագայում ցույց չի տալիս այն ազդեցությունը, որը ունեցել է գների իջեցումը շրջանառության հարկի մուտքերի գումարի վրա: Հայկական ՍՍՌ-ում 1950 թ. գների իջեցման հետևանքով միայն մսի, երշիկեղենի և պանրի գծով պետական բյուջեն կորցրեց 3,3 միլիոն ռուբլու շրջանառության հարկ:

Սովետական ֆինանսները և առաջին հերթին պետական բյուջեն առաջնակարգ գեր են խաղում երկրի ազգային եկամտի բաշխման և վերարաշխման գործում: Պետական բյուջեի միջոցով Սովետական պետությունը ազգային եկամտի մի զգալի մասը օգտագործում է հասարակական սպառման ֆոնդեր ստեղծելու համար: Կոմունիստական հասարակության ծավալուն կառուցման մասնակաշրջանում գնալով էլ ավելի է աճում հասարակական ֆոնդերի դերը աշխատավորների պահանջմունքների բավարարման գործում: Գրախոսվող աշխատության մեջ հարուստ փաստական տվյալներ են բերված սոցիալ-կուլտուրական միջոցառումների ֆինանսավորման մասին: Բերված տվյալները ցույց են տալիս, որ սոցիալ-կուլտուրական միջոցառումների ծախսերը տարեցտարի արագ տեմպերով աճում են: Հեղինակը պետք է ընդհանրացնի այդ փաստերը և աներ այն կարևոր եզրակացությունը, որ գնալով էլ ավելի պետք է մեծանա հասարակական սպառման ֆոնդերի դերը աշխատավորների պահանջմունքների բավարարման գործում: Այդ բխում է սոցիալիստական տնտեսության զարգացման օրինաչափություններից: Միայն հասարակական սպառման ֆոնդերի անշնչ աճի պայմաններում հնարավոր է աստիճանաբար ըստ աշխատանքի բաշխումից անցնել ըստ պահանջմունքների բաշխման կոմունիստական սկզբունքին:

Հայտնի է, որ մինչև վերջին տարիները սովետական ռեսպուբլիկաների տերիտորիաներում միաժամանակ զգալի ծախսեր էին կատարվում միութենական բյուջեից: Արդյունաբերության և շինարարության կառավարման վերակառուցման և միութենական ռեսպուբլիկաների իրավունքների ընդլայնման կապակցությամբ այդ ծախսերը այժմ համարյա ամբողջովին կատարվում են ռեսպուբլիկական բյուջեներից: Այդ կապակցությամբ հեղինակը բավականի մեծ աշխատանք է կատարել Հայկական ՍՍՌ վերջին տարիների պետական բյուջեները անցած ժամանակաշրջանի բյուջեների հետ համեմատելի դարձնելու ուղղությամբ: Այդ նպատակով մի շարք տարիների համար վերլուծության են ենթարկված Հայկական ՍՍՌ-ում միութենական բյուջեից կատարված ծախսերը, որը կարևոր նշանակություն ունի ոչ միայն տվյալ հետազոտության, այլ նաև հետագա հետազոտությունների համար:

Ռեսպուբլիկայի պետական բյուջեի բաղկացուցիչ մասն են կազմում տեղական բյուջեները: Հեղինակը հարուստ փաստեր է բերում տեղական բյուջեների զարգացման մասին: Սակայն այդ

սովյալները բերված են ընդհանուր գումարով և ըստ տեղական բյուջեների առանձին տեսակների: Աշխատության 104-րդ էջում սովյալներ են բերված նաև Սրևան քաղաքի բյուջեի զարգացման մասին 1955—1960 թթ. ընթացքում: Աշխատությունը շահած կլիներ եթե թեկուզ մի քանի տնրվա սովյալներ բերվեին ռեսպուբլիկայի մյուս քաղաքների և շրջանների բյուջեների մասին, որը ընթերցողին հնարավորություն կտար կոնկրետ պատկերացում կազմել այդ բյուջեների զարգացման մասին:

ՍՍՌՄ ֆինանսների կարևոր օղակներից մեկը վարկային սիստեմն է: Ժողովրդական տնտեսության վարկավորման ձևերի զարգացման համար առանձնապես մեծ նշանակություն ունեցավ 1930 թ. վարկային ռեֆորմը: Խոսելով այդ մասին պրոֆ. Ղ. Շաքարյանը բավարարվում է չլրելով. «Վերևում շարադրված շարժառիթներով, 1930 թվականին անցկացվեց նաև վարկային ռեֆորմ, որը վերաբերեց նոր տնտեսական քաղաքականության առաջին տարիներին մտցված սոցիալական վարկի սիստեմը, այն փոխարինելով ուղղակի բանկային վարկավորմամբ: Դրա հետ միասին վարկային ռեֆորմը հնարավորություն տվեց Պետքանկում կենտրոնացնելու կարճատև վարկավորման ամբողջ գործը և ուժեղացրեց Պետքանկի, որպես հաշվարկային կենտրոնի դերը» (էջ 23—24): Այդ բոլորը միանգամայն ճիշտ է: Սակայն ոչ մի կերպ չի կարելի բավարարվել այդքանով, 1930 թ. վարկային ռեֆորմը սովետական վարկային սիստեմի զարգացման մեջ համարյա մի ամբողջ պատմական ժամանակաշրջան է և հեղինակը նրա վրա պետք է մեծ ուշադրություն դարձնել: Թեկուզ ընդհանուր գծերով ցույց տար այն խնդրաբանությունները, որոնք թույլ էին տրվել 1930 թ. վարկային ռեֆորմի անցկացման ժամանակ, ընթերցողին ծանոթացնե՞ր պարտիայի և կառավարության կողմից խնդրաբանությունների վերացման ուղղությամբ ձեռնարկված միջոցառումների հետ և այլն: Վարկային ռեֆորմի ժամանակ ժողովրդական տնտեսության ֆինանսավորումը և երկարատև վարկավորումը ամբողջովին կենտրոնացվեց կազմակերպված մասնագիտական բանկերում (Արդյունաբերական բանկ, Գյուղատնտեսական բանկ և այլն): Հեղինակը անպայման պետք է կանգ առնել այդ բանկերի կազմակերպման, նրանց խնդիրների և ֆունկցիաների վրա, մանավանդ, որ նշված հարցերի մասին մեր մայրենի լեզվով ոչինչ չկա գրված: Միաժամանակ պետք է նշել, որ աշխատության ոչ բոլոր բաժիններում են սովյալներ բերված ժողովրդական տնտեսության վարկավորման մասին: Աշխատության վերջին մասում (էջ 111) արդեն հեղինակը կանգ է առնում 1959 թ. անցկացված մասնագիտական բանկերի վերակառուցման և ՍՍՌՄ Շինարարական բանկի կազմակերպման հարցերի վրա:

Գրախոսվող աշխատության մեջ բավականի տեղ է հատկացված սովետական ֆինանսական սիստեմի մյուս օղակների՝ խնայողական դրամարկղների, պետական վարկի և պետական ապահովագրության զարգացման հարցերին: Բերված փաստական սովյալները բերողում են ֆինանսների այդ օղակի արագ տեմպերով զարգանալը: Պետական վարկի, խնայողականության գործի և պետական ապահովագրության զարգացման համար կարևոր նշանակություն ունեցավ նաև դրանց սիստեմում կատարված կազմակերպական ձևերի հետագա կատարելագործումը: Աշխատության մեջ այդ հարցը համարյա աչքաթող է արված: Միայն վերջին գլխում համառոտակիտին խոսվում է դրանց մասին:

Նշված թերությունները ամենևին էլ չեն նսեմացնում պրոֆ. Ղ. Շաքարյանի «Ֆինանսները և սոցիալիստական շինարարությունը ՀՍՄՌ-ում 40 տարում» աշխատությունը: Այս աշխատությունը անկասկած արժանի է ռեսպուբլիկայի տնտեսագետների և ինտելիգենցիայի այլ խավերի ուշադրությանը:

Վ. Ա. ՊԵՏՐՈՍՅԱՆ